

228549

湖南工学院图书馆

卷 〇三八三	卷 〇三八二	卷 〇三八一	卷 〇三八〇	卷 〇三七八
湖字	湖字	湖字	湖字	湖字

永樂大典

二
二
二



7
121
005
T.22

永樂大典卷之二千二百七十九

六模

湖

湖州府五

山川

烏程縣山吳興續志烏程西南大抵皆山東北近湖間有山特出於平疇之間者舊志容有詳畧今標其顯著并據志之所遺以著于編 卞山在縣北十八里高六十尺俗傳以爲卞和采玉之處上有卞和池故山作卞字疑附會也當依周處風土記作冠弁之弁爲當其東南則在縣境而西皆長興也以其爲一郡之主山故持著之吳興志張玄之吳興山墟名曰卞山峻極非清秋爽月不見其頂觀長生三吳地也按卞和於荆山採玉今山中有似玉之石土人謂之璧硯故以卞名之耳吳郡賦曰其琛駘則璫璣之阜是也蓋徐陵孝義寺碑云高卞蒼蒼遙聞天語額其脚石柱記唐刺史李昭明歌有登卞山題法華寺詩皆作卞字續圖經曰周處作弁雖似有理但古今諸書皆作卞不必穿鑿取新意也 太平寰宇記卞山東足有一石質高數尺晉太康中人間之服西縣界遂止歷代莫知所封又

宋書蕭惠明爲吳興太守。郡界有下山。山下有項神廟。相承云。羽多居
廳事。前後七八太守不敢上廳。惠明謂紀綱曰。孔季恭曾爲此郡。未聞有
災。遂盛設筵榻。接賓數日。未幾惠明忽見一人長丈餘。張弓挾矢向之。既
而不見。因發背司日而殤。毗山在縣北五里。大溪遶其麓。自大錢而上。實
爲郡要衝之地。大軍下湖州。時嘗駐其上。吳興志山海經云。浮玉山之山。北
望具茨。東望諸毗。郭璞注云。諸毗。水名也。統記舊經云。浮玉山在安吉縣
舊水發源也。言東望涇浦。握手相毗。並注于太湖故名。續圖經云。浮玉在
西南。毗山在東北。與山海經隔。璞殆不知此山耳。山最近城。或與城相毗
而得名。梁兵均有同鄉。吳興毗山集。詩曰。平湖曠復遠。高木峻而危。欲其
業也。郭璞嘗建亭其上。衡山在縣南十八里。兩山夾峙。溪流中瀉。實郡
城南形勝之地也。吳興志左傳襄公三年。楚子重伐吳。克鳩茲。至于衡山。
杜預注。衡山在吳山。在吳興爲程縣南。山謀之吳興記曰。衡山一名橫山。
今俗亦呼橫山。顏真卿石柱記云。上有額項塚。春秋鳴茲城。統記云。吳興
記云。晉初衡山崩。見額項塚中有營丘圖。元首。鳩茲。杜注云。吳邑。在丹陽
蘇湖縣東。今阜吳也。顏公所書。或恐有誤。道場山在縣南十二里。爲近
郭遊覽之勝。上有道場寺。伏虎巖。絕頂五顯廟。有浮屠屹立雲表。其下則

咲月步雲諸亭皆在焉。兵興志音訥和尚辭歸出遊檀。師曰達道即止訥
經此山遂留。後建寺山頂有塔。下有笑月亭。愛山亭。元一統志舊志云
湖州大刹也。東坡蘇軾有云。道場山頂何山麓。內翰汪藻云。游道場者。如
入王侯之家。道何山。如達高入隱士之廬。何山在縣南十四里。道場山
之南有何山寺。晉何楷讀書堂。宋安完胡先生墓。兵興志沈括地志云。何
山亦曰金蓋山。晉何楷居此習儒業。楷後為兵興太守。改金蓋山為何山。
山口有次山曰金口山。今曰何口山。梁吳均有同鄉吳興何山集送劉餘
執詩。顏真卿石柱記云。金蓋山有何氏書堂。續圖經曰。雖本而言。舊編云
山與道場山相接。最為兵興勝游。然道場山勝在山頂何山之勝在山下
蘇東坡詩。有道場山頂何山麓之句。內翰汪藻云。游道場者。如入王侯之
家。過何山如達高入隱士之廬。方輿勝覽蘇子美遊雲上何山詩。今古
何山是勝遊。亂峰縈轉繞滄洲。雲含老樹明還低。石礙寒泉咽復流。偏嶺
煙霞迷俗客。一溪風雨送歸舟。自崖崖上先乘光。成事孤僧亦白頭。浮
山在縣東蓋山前。碧浪湖中舊傳隨水高。下巨潦不沒。故名昔嘗有亭。其
廢已久。至今春時嬉遊。舟楫皆簇于此。非天目浮玉山也。東衡山在縣
衡山水東舊志。但書衡山在縣南十八里。而不知衡山有二。橫豎于溪之東。

者東衙山也。市山在縣南四十里。夾山在縣南稍西九都。剡山在縣南十二都。金蓋山在縣何山南舊志稱昔人改金蓋爲何山殊不知何山在金蓋之北初非改也。九里山在縣車蓋山南。下徐山在縣西南王村。戴山在縣東北十八里昔戴遠嘗居其下故名。界山在縣東二十一里一名烏山舊編云古烏中氏所居也一名歐餘山一名歐亭山。漢志烏程有鵬陽亭是也。昔越王無疆之子賡封於烏程歐餘山之陽爲歐陽亭侯子孫因以爲氏梁吳均入東記曰晉王羲之爲守嘗升此山顧謂賓客曰百年之後誰知王逸少與諸卿至此乎因名界山遂立烏亭于上吳均有同柳吳興烏亭集送柳舍人詩即此處也。後國經按史記楚威王段越上無疆蓋取改其地越以此城諸族子平立威王或以爲君漢於江南海上服銀于楚。姓氏錄云越王無疆烏楚所滅。東封無疆子孫於烏程歐餘山之陽爲歐陽亭侯遂以爲氏。吳興志西余山在縣東十八里與地志云漢文帝封東海王捷之子爲顧余侯即此。後坐酎金失國。史記越王無疆滅七世王閭君。從諸侯平秦漢高帝使以推烏越王以奉越後世表及漢書諸表不實顧余侯事高十二年詔曰南武侯微亦身之世也立以爲南海王山有弄雲亭樞密胡宿有記。杼山在縣西南三十里陸

羽舊記云。山高三百尺。周回一千二百步。昔夏后行巡狩之所。今山下有夏王村。西北有夏駕山。顏真卿行山碑。又載山墟名云。舊名東張。遊者志歸號稽留山。有黃藥湖。黃浦橋。黃浦亭。何惜釣臺。避它城。招隱院。草堂。溫閣。真卿又立三癸亭。以癸丑歲發。卯朔癸亥日立也。三桂棚。產青葉三枝。御史澤。觀。梁門。官侍御史袁高嘗至此也。有謝臨川寫真堂。梁周興嗣登杆山。覽古詩。齊沙門寶月。涂次杆山等詩。孺山在縣東二十八里。三吳土地記云。後漢徐孺子。哭友人興州刺史姚元起於此。時九江何子翼嘲之曰。南州孺子。弔生哭死。前慰林宗。後傷元起。山有孺子祠。紹興中郡侯徹淫祠。土人按圖經爲言。祠得不廢。二十二年。晉陵丞唐法爲記。近又得古刻於水濱。峴山在縣南五里。本名顯山。晉太守殷康築亭上。名顯亭。唐以廟諱改焉。天寶刺史韋景先創五花亭。又有李適之石榻。山頂有塔。方輿勝覽。葛上之詩。語云。羊叔子鎮襄陽。嘗與從事鄒湛登峴山。慨然有流沒無聞之嘆。峴山亦因是以傳。古今名賢賦詠多矣。吳興與峴山。去城三里。李適之靈柩在焉。蘇子瞻守吳興日。嘗登此山。有詩云。蒼水如漢水。鱗鱗鴨頭青。吳興勝襄陽。萬瓦浮青冥。我非羊叔子。懷此峴山亭。悲傷同此意。歲月如流星。湛常何足道。當以德自銘。法華山在縣西北十里。有

寺曰法華寺。刺史崔玄亮。張文規。盧幼平。俱有詩。東有石鳩。吳太史慈所
葬。太平寰宇記。謂之石斗山。晉王羲之嘗來。顧謂親友曰。百歲之後誰知
我曾遊此。仁王山在縣西北九里。舊名鳳凰山。以山形似鳳也。故老相
傳。秦始皇以山有王氣。鑿其頸。今通舟爲小河。山之首在南。號鵝山。鵝
山在縣東北五里。山謙之吳興記云。鵝山有紫石英。其山東臨大溪。西帶
長瀆。山上有亭。臨望虛嶺。號鵝山亭。車蓋山在縣南九里。輿地志云。形
如車蓋。因名。上有車蓋亭。晉太守殷康所造。白鶴山在縣西北二十六
里。吳興記云。昔烏程西鄉人姚終。化白鶴遊此。因名。山石精好。可爲碑版。
江東記云。負丘山石精好。不謝吳興。即此也。張王居白鶴山。又云。二妃白
鶴山人。見靈濟廟下。別鮮山在縣東十三里。孤秀不相連屬。因名焉。唐
高士沈聘沈微居之。爾雅曰。小山別。大山鮮。郭璞注云。不相連也。續圖經
云。此山名今古義。非但俗名也。西陵山在縣北二十一里。吳興記云。
吳太子和葬焉。程北山。子皓即阼。追尊文皇帝陵。白明陵。陵在山西。故名。
吳興山在縣西南六十里。吳興記云。鵝山田也。昔有吳氏燒山爲田。因
名。鵝山篇力周切。田不耕。燒種也。廣韻同。石城山在縣西南三十里。山
墟名云。昔烏程人嚴白虎於此累石爲城。與呂蒙戰。至今山上有弩臺。塔

樓處馬埭基猶存。黃蘗山在縣西南三十五里。梁光祿卿江淹有詩有
潤曰黃蘗潤。九乳山在縣西南三十一里。張玄之山墟名云山有九峰
狀乳形。澤山在縣東七十五里。兵興記云因震澤爲名。溫山在縣西
北二十里。兵興記云溫山出御芹。小雷山在縣北。周處風俗記云太湖
中有大雷小雷二山相距六十里。其中曰雷澤。即所漁者也。周處記又
云新東有餘杭縣上虞江是舜本土。按韓詩外傳舜東夷之人也。魏記云
雷澤在兗州。元同處誤也。蓋以震澤中有小大二雷震故俗名之。舊編又
云小雷山所謂潤處東山也。舊馬程大雷山所謂潤處西山也。屬長興兩
山多美石。唐白居易作奇章公記以太湖石爲第一。三山在縣東北七
十二里。山墟名云三山在太湖中。有波天合三點黛色。陸士龍贈顧彦先
詩曰我家五湖陰。君住三山陽。包山在縣東北。志云即古夫椒山也。史記越
王勾踐棲吳王夫差於夫椒之上。兵部賦云指包山而爲期。集洞庭而淹
留。自澤山以下諸山並在太湖中。白石山在縣北。記云多出白石。葛仙山在
縣南五十里。晉葛洪嘗隱居此山。今有鍊丹竈。舊集曰存職方圖志云葛
仙鍊丹之處。天下十有三馬。程居其一。紹興中侍郎葛立方作祠爲記。
著山在縣與葛仙山相連。舊傳葛洪種黃菁于此。至多山多黃菁秀安。唐王基

園在焉。右西南慈翠森鬱。縣延街迤皆山也。或高或下。或巨或細。問其名則更僕未易悉數。東北近湖。皆平曠土腴。間有山率特出。亦各有名。而其著于古書者曰毗。曰衡。皆突兀于水濱之一龍耳。豈徒特而生者。鍾秀為多耶。或景必近人。則美而易彰耶。物必待人而後顯。則其名之垂泯。固不容無幸不幸耶。未昔之山經。或五百里。或三百二百里。始載一山。鳥程一邑。而見于列者已如此。未為不幸也。後烏程諸山參諸地志。累著見者。悉不沒其名。雖未能盡勝踐。庶乎附公之復者可為問津之考。

歸安縣山。吳興續志歸安縣舊志。崇山峻嶺。皆已載錄。今考所遺。增附于後。其與志縣境西南廣德至孝兩縣。北接烏程。南接安吉界。蓋是岡嶺延袤。林木森蔚。去處其餘八鄉。如含山。沈長山。東林山之屬。皆特生于平原中。今載如左。舊志諸書所載。亦有差誤。如廬山。載在烏程。三山。載在歸安。蓋歸安界不迫太湖。今是正之。龍池山在縣西南一百里。震山在縣西南六十里。天泉山在縣西南一百里。河口山在縣東南五里。夏家山在縣東南六里。孟家山在縣東南七里。謝家山在縣東南五里。石門山在縣西南六十里。吳興志含山在縣東南一百八里。張玄之山。舊名云震澤東望蒼然芙蓉煙蔚之中。高丘卓絕。因以名焉。山有淨慈

院其巔有浮屠。厥山在縣東南七十里。吳均入東記云。吳有陸厥。嘗家于此。舊經後起。屬烏程。舊屬烏程。湖跌山在縣東南二十五里。統記云。漢蒯子訓隱於餘不鄉。卒葬烏程縣湖跌山。今屬歸安。新添。沈長山在縣東南八里。施山在縣東五里。潘山在縣東六里。礪山在縣西南六十三里。宋鮑照有自礪山東望震澤詩五韻。方山在縣西南一百一十五里。統記云。張玄之山墟名云。以其頂方故名。梁典云。紹泰元年十一月。陳文帝為信武將軍。自長興遣二千人投京。夜下方山津。即此處也。山北屬長興。統記載在長興縣四十里。莫干山在縣西南一百五十里。餘英志云。上有鑄劍池。水常清澈。水旱積焉。側有磨劍石。世傳吳王鑄劍所也。按吳越春秋。干將吳人。吳王闔閭使造二劍。一曰干將。二曰莫邪。莫邪干將之妻也。今鐵工造刀劍磨以山之石。淬以池之水。則鋒利倍常。山北屬武康。去武康縣治二十五里。餘英志云。即武康也。故載在餘英志。銅山在縣西南九十五里。高三百尺。格地志云。吳孫彭山之銅。即此山也。山西屬安吉。去安吉縣治三十里。先記載在安吉。舊志云。山與武康安吉分界。詳見二縣志。餘安山在縣東南一十五里。靈山在縣東南八十五里。獅子山在縣西南一百五里。又屬武康。在武康東北七里。餘英志云。首

枕大溪。岡隴盤踞如狻猊形。廬山在縣西南七十五里。頂山在縣西南七十四里。馬鞍山在縣西南七十六里。又唐武康在武康北十三里。狀如馬鞍。母潭山在縣西南七十七里。鳳山在縣南七十三里。侯石山在縣南六十里。以上並見舊志。東林山在縣西南五十四里。突兀於菰蒲溪泊之中。峯巒蒼秀。上有祇園寺。頂有浮圖。元符中。見山在縣南七十四里。浮玉山在縣峴山。據中俗傳其山隨水低昂。旱潦如一。上有叢篁。舊有小亭。今不存。太平寰宇記防風山在歸安縣東一十八里。先名封嶠。山唐天寶六年勅改焉。其一名風公山。一名風渚山。古防風氏之國。公者以其山上有風公祠。風渚者以山下有風渚水。封山者以其禁採樵漁獵也。山東南二里有嶠山。禹十二代孫。帝喾所居也。吳伐越。聚會稽。得魯節車。車使問仲尼。仲尼曰。禹致群臣於會稽。防風氏後至。禹殺而戮之。其節專車。此為大矣。客曰。防風何守。仲尼曰。江沘氏之君守封嶠山。言防風治此二山也。石城山在縣西南三里。漢末赤眉之亂。邑人於山上累石為城。因以為名。宋書云。沈道虔居縣北石山下。縣令度肅之迎出縣南鳳頭里。為立宅。歸溪。微負外散騎侍郎。不就。山上有漢青州刺史姚恢墓。金鵝山在縣東二十里。山墟名云。漢海昏侯沈戎葬於此。上有池深。

五尺。其水冬夏不竭。時吳帝見山上金鵝翔集。武風清雨霽。焦夫耕父聞山上鵝鳴。武康山在縣西十五里。名銅官山。唐天寶六年。新改爲興地。志云。銅官山下有兩坎。深數丈。方圓百丈。古採銅所。鵝山在縣西八里。山下有水。謂之鵝潭。吳興記云。有人經鵝山。語無多少。鵝則隨聲曲折。應之。洪纖一無所失。天泉山在縣西北三十五里。吳興記云。山上有長流泉。謂之天泉。傍多沃壤。可耕植。今按有水田五畝。一名唐鍾山也。凡山在縣北一十五里。山墟名云。凡山形似凡。因爲名焉。亦作已山。計菁山在縣東南三十五里。吳興記云。計菁山。昔越大夫計然多才智。菁菁於此山。按其地。優與餘杭縣分界。今俗謂之界頭山。蓋菁頭聲相應也。三山在縣西八十三里。山墟名云。三山在大湖中。白波四合。三點黛色。長興縣山吳興續志。境內諸山。具見舊志。洪武九年所圖。比舊遠連一十有四。今錄于編。獨母山在縣東五十四里。南川山在縣北四十里。午山在縣西南二十五里。浮雲山在縣西南六十五里。南華山在縣西南七十四里。空山在縣西南六十四里。城山在縣南四十里。堯市山在縣東北三十六里。高五十四百尺。山墟名云。堯時洪水。居民於此山作市。今山上有池。可廣一畝。見唐僧皎然詩曰。堯市人稀紫菊多。度日休詩云。閑尋堯市山。即

此山下田。父老號舜田。舊編。夏駕山在縣東南三十六里。高千尺。張玄之山墟名云。昔帝行南巡至此山。因而名之。與地志云。夏少康封庶子杼于會稽。東得吳興地。烏程有行山。梁吳均有登夏駕山。尋朱思之詩。太平寰宇記。山上有石鼓。高一丈。下有盤石為足。詩云。石鼓鳴。劉三吳有兵。括地志云。石鼓作金鼓鳴。亦魏郡零陵石鼓之類。吳興記云。王行記。並同此記。大雷山在縣東北太湖中。太平寰宇記。東北六十里。高一百二十丈。周處風上記云。太湖中有大雷小雷二山。相距六十里。其間即雷澤。舜所漁處也。尚書釋言云。在東澤。飛雲山在縣西二十里。高三百五十尺。山墟名云。山南有風穴。故雲霧不得露霽於其間。宋元徽五年置飛雲寺。有石泉沙渚松門竹岩。烏騭山在縣北五十里。高四百丈。山墟名云。昔有馬子騭。壘此山曰。此山可以避難養道。隱者所居故名。鳳亭山在縣西北五十里。高一千尺。山墟名云。昔有鳳棲山上。多產烤櫟。白石山在縣東南三十八里。山墟之吳興記云。出白礬石。義鄉山在縣北六十里。高千二百尺。晉太守周玘舉義兵。平石冰陳敏等賊。剡長城西鄉立義鄉縣於陽羨縣置義興郡。呂山在縣東南二十里。高五百尺。舊名程山。山墟名云。吳將呂蒙築營於此山因名。吳山在縣南四十三里。高六百尺。

山墟名云。吳王送女至此。梁吳均卜宅。唐吳筠優居之。劉漢至吳山。有吳王送女祠。青山在縣南六十里。高二百尺。山墟名云。山有石竇通洞。度冬夏常暖。山如黛色。因名。吳筠詩云。家住青山下。特向青山上。藝香山在縣北十五里。高四百五十尺。一名湖陵山。山墟名云。西施種香之所。

雉山在縣北五里。高五百尺。山墟名云。以山形類雉。梁陳故事云。梁武帝時有童謠曰。鳥山出天子。江表以鳥名山者皆鑿。惟此山不鑿。陳高祖此山人也。上有追贈山。成山在縣西三里。高四百五十尺。一名夫榮山。山墟名云。吳夫榮於此築戍城。山多產青松白茅。即梁太守張嶠與沈浚築戍以捍侯景之地。巖山在縣西五十里。高二百五十尺。山墟名云。以巖為名。吳王閻閭時有白鹿見。一名白鹿山。方山在縣西南四十里。高四十尺。山墟名云。以其頂方名之。梁典云。陳文帝為信武將軍。自長城縣遣二十人投京師。復下方山津。即此地也。四安山在縣西南八十三里。高一千尺。山墟名云。以其山四面平廣也。祖中山在縣西北二十五里。在忻湖西山。墟名云。道淹蕨菜也。昔吳王於山中種蕨。為軍人冬食之。備赭石山在縣西北六十一里。多產刺榆貢茗。縣曰山在縣西北六十里。山墟名云。山有懸石若臼形。西墮山在縣西北六十一里。山墟名云。潤

泉北流而西向峻狹。以其鳴咽而名。五峯山在縣西一里五十步。括地志云。仙人姚綽所居。陳國子博士虞寄報德寺碑云。四鶴齊飛。五峯相瞻。

南嶼山在縣西南百二十里。山墟名云。西施種香之所。上有蘭茝院。見志云。百六十里。銀山在縣南三十里。出銀。玉井山在縣東南三十二里。

天井山在縣南三十里。石樓山在縣東南二十七里。羅浮山在縣東二十五里。穿石山在縣東南三十里。金山在縣西四十里。見金

詳下。顧渚山在縣見顧渚下。官山在縣顧渚之側。林木深秀。未嘗伐。故名有大官山。小官山。大官山頂有虎頭巖。狀如呀嘴。下有石門。可往

來。張文規詩曰。誰言隼旗吏。長對虎頭峯。石城山在縣南五十里。與烏程接界。見烏程志。山下。梓山在縣西。與成城相連。漢錢林所居。詳見烏

程志。青事。實下。靈山在縣西七里。故相章惇葬母于此。八座山在縣南四十五里。唐吳琬吳項吳崧皮光業林鼎羅隱韓必何肅居此。山號八

友。後人因名。太平寰宇記。梅溪山在縣。隋圖經云。吳興故鄣縣東三十里。有梅溪山。山根直豎一石。可高百丈。至青而圓。如雨間屋大。四面陡絕。仰

之于雲外。無登陟之理。其上復有盤石。正圓如車蓋。常轉如磨。聲若風雨。土人號鳥石磨。石磨轉駛則年豐。遲則歲凶。候之無失。九龍山在縣西

一百二十里。一名郭山。一名章山。張玄之山墟名云。九龍山。其山有九龍。悉作龍形。山頂有古石城。城西北角有石竇。因名石郭。吳興記云。石郭山在故郭南五里。產楊梅貢御。輿地志云。石郭山昔吳採郭山銅以鑄錢。即此山。西顧山一名吳望山。在縣北四十九里。高一千尺。張玄之山墟名云。西顧山昔吳王闔廬登姑蘇望五湖。望見此山。因名之。括地志所載。西顧乃作牢固之固。未詳也。郡縣志白鴨山在縣東南三十一里。姚紆得仙於此。化為白鶴而去。因以名之。方輿勝覽茶山在縣西出紫笋茶。杜牧茶山詩。山實東吳秀。茶稱瑞草魁。劉符維俗吏。脩貢亦仙才。溪盡停蘭棹。旗張卓翠苔。重遊難自勉。俛首入塵埃。元一統志烏瞻山在縣北五十里。高四百尺。山墟名云。昔有烏子瞻望此山上曰。可以避難養道。為隱者所居。故名烏瞻。

武康縣山。吳興續志。境內群山環繞。其名已詳。舊志今特舉其顯著及郡志所遺者附焉。封山在縣東南一十八里。古防風氏封守之地。故名。吳興志家語載防風氏之守。曰守封焉之山。餘英志云。汪芒氏守封嶠兩山之間。則封山之名舊矣。一名風公山。一名風清山。統志云。風公者以其山有風公祠。風清者以其有風清水。封山者以其古國萊蕪採也。餘英志云。風

公何今廢。唐天寶六年。勅改防風山。元一統志史記註云。汪罔之君。守封禹之山。則封山之名舊矣。隋志。武康縣下亦有封禹山。按舊記。二曰風公山。亦名封山。又謂風渚山。王象之紀勝云。防風山在武康縣東一十八里。本名封禹山。禹山在縣東南三十里。禹十二代孫帝禹所居之地故名。吳興志餘英志云。按史記。禹十二世帝廑立。而葛國離志。帝禹居此山。當是帝廑之兄弟。分封此鄉。魏記。防風山東南二里曰禹山。及舊編云。東南二十里。魏記。禹山。又云在縣東南三十里。餘英志。亦云三十里。石城山在縣西南三里。漢末赤眉之亂。人因山壘石為城。以禦寇。邑類以金故名。吳興志舊編云。山四旁出面如一。餘英志云。夜有神光。其大如鼓。往來山腰。倏隱倏見。山巔平坦。有洗馬池。魏記云。齊沈道虔隱居于此。上有漢晉州刺史姚恢墓。雲岫山在縣東南一十里。上有雲岫寺。山出雲氣幽邃。故名。鴉窠山在縣東南二十五里。銅山在縣西二十五里。穿山在縣東南二十四里。封湖屯狀如銅峯。故名。金牛山在縣南三十里。中山在縣南三十里。前村山在縣南一十八里上栢步。龍口山在縣西南二十里。石願山在縣西四十里。銅井山在縣西二十里。永安山在縣西北二十三里。小山在縣東北三十里。石井山在縣東七里。又